

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 04-011-37/98
Sarajevo, 28.4.1998. godine**

ZAPISNIK

**8. SJEDNICE DOMA NARODA PARLAMENTARNE SKUPŠTINE
BOSNE I HERCEGOVINE, održane 28.4.1998. godine u
Zemaljskom muzeju**

Sjednica je počela sa radom u 11 sati.

Sjednicom je predsjedavao Avdo Čampara, predsjedavajući Doma naroda Parlamentarne skupštine Bosne i Hercegovine.

Predsjedavajući je konstatirao da sjednici prisustvuje dovoljan broj poslanika i da Dom može punovažno odlučivati.

Pored poslanika sjednici su prisustvovali i predstavnici Vijeća ministara Bosne i Hercegovine.

Nakon što je utvrdio da postoji kvorum za punovažno odlučivanje, predsjedavajući je predložio dnevni red.

U raspravi o prijedlogu dnevnog reda učestvovali su: Salih Kulenović, Adem Borić, Borislav Parovac, Mariofil Ljubić, dr. Haris Silajdžić i Mirsad Čeman.

Za sjednicu je usvojen sljedeći

DNEVNI RED:

1. Usvajanje Zapisnika sa 7. sjednice Doma naroda Parlamentarne Skupštine BiH,
2. Prijedlog zakona o izvršenju Budžeta institucija Bosne i Hercegovine i međunarodnih obaveza BiH za 1997. godinu,
3. Davanje saglasnosti na sporazume:
 - a) Sporazum o privrednoj saradnji između Bosne i Hercegovine i Republike Slovenije,
 - b) Sporazum između Vijeća ministara Bosne i Hercegovine i Vlade Republike Slovenije o prijevozu osoba i stvari u međunarodnom cestovnom prometu,
 - c) Sporazum između Vijeća ministara Bosne i Hercegovine i Vlade Republike Turske o međunarodnom drumskom saobraćaju,
 - d) Sporazum o uspostavljanju međudržavnog vijeća za saradnju između Bosne i Hercegovine i Republike Hrvatske,
4. Delegatska pitanja.

AD-1.**Usvajanje Zapisnika sa 7. sjednice Doma naroda
Parlamentarne Skupštine Bosne i Hercegovine**

U raspravi je učestvovao delegat Mirsad Ćeman, koji je imao primjedbu na Zapisnik, a koja se odnosi na Inicijativu za susret sa predstavnicima parlamenta drugih država, a kao početak tog susreta predložio je susret sa parlamentarnom delegacijom Republike Hrvatske, čija bi aktuelna pitanja bila iz oblasti privrede. Pored ovih pitanja bilo bi dobro da i druga aktuelna pitanja, kao što su pitanja komunikacija, dakle, Luka Ploče i položaj Bošnjaka u Hrvatskoj, budu uvrštena za raspravu sa parlamentarnom delegacijom Republike Hrvatske, a što nije bilo uneseno u Zapisnik.

Zapisnik 7. sjednice Doma naroda usvojen je jednoglasno.

AD-2.**PRIJEDLOG ZAKONA O IZVRŠENJU BUDŽETA
INSTITUCIJA BOSNE I HERCEGOVINE I MEĐUNARODNIH
OBAVEZA BiH ZA 1997. GODINU**

Predsjedavajući je obavijestio da je Prijedlog ovog zakona dostavilo Predsjedništvo Bosne i Hercegovine.

U raspravi su učestvovali Mirsad Ćeman, Stipo Vujević, Mehmed Ćorhodžić, Borislav Parovac, Spasoje Albijanić i Nikola Grabovac.

Dom naroda je jednoglasno usvojio Prijedlog zakona o izvršenju Budžeta institucija Bosne i Hercegovine i međunarodnih obaveza BiH za 1997. godinu, u predloženom tekstu.

S obzirom da su na Prijedlog ovog zakona podneseni određeni amandmani i date primjedbe i sugestije, zaključeno je da se dostave Predsjedništvu Bosne i Hercegovine i Vijeću ministara, da ih imaju u vidu prilikom usvajanja rebalansa Budžeta za 1998. godinu.

AD-3. DAVANJE SAGLASNOSTI NA SPORAZUME**a) Sporazum o privrednoj saradnji između Bosne i
Hercegovine i Republike Slovenije**

U raspravi nije niko učestvovao.

Dom naroda je većinom glasova uz 1 glas uzdržan usvojio Sporazum o privrednoj saradnji između Bosne i Hercegovine i Republike Slovenije, u predloženom tekstu.

**b) Sporazum između Vijeća ministara Bosne i Hercegovine i Vlade
Republike Slovenije o prijevozu osoba i stvari u međunarodnom
cestovnom prometu**

U raspravi nije niko učestvovao.

Dom naroda je jednoglasno usvojio Sporazum između Vijeća ministara Bosne i Hercegovine i Vlade Republike Slovenije o prijevozu osoba i stvari u međunarodnom cestovnom prometu, u predloženom tekstu.

c) Sporazum između Vijeća ministara Bosne i Hercegovine i Vlade Republike Turske o međunarodnom drumskom saobraćaju

U raspravi nije niko učestvovao.

Dom naroda je jednoglasno usvojio Sporazum između Vijeća ministara Bosne i Hercegovine i Vlade Republike Turske o međunarodnom drumskom saobraćaju, u predloženom tekstu.

d) Sporazum o uspostavljanju međudržavnog vijeća za saradnju između Bosne i Hercegovine i Republike Hrvatske

U raspravi nije niko učestvovao.

Dom naroda je jednoglasno usvojio Sporazum o uspostavljanju međudržavnog vijeća za saradnju između Bosne i Hercegovine i Republike Hrvatske, u predloženom tekstu.

AD-4. DELEGATSKA PITANJA

1. Delegat Adem Borić postavio je sljedeće delegatsko pitanje:

"Kako provesti raspravu i, naravno, usvojiti Zakon o povratku izbjeglih i raseljenih lica u Bosni i Hercegovini kojim bi se na osnovu Ustava i Aneksa 7 Dejtonskog mirovnog ugovora ova norma realizirala u praksi?"

Ovo pitanje postavljam Predsjedništvu Bosne i Hercegovine, Vijeću ministara BiH, komisijama ovog doma koje se bave ljudskim pravima i izbjeglicama i Visokom predstavniku gospodinu Vestendorpu.

2. Delegat Mirsad Ćeman postavio je sljedeće delegatsko pitanje:

"Da li Vijeće ministara prati efekte Zakon o carinskoj politici koji je usvojen na ovom Parlamentu, a doveo je u veoma težak položaj preduzeća uvoznike repromaterijala koji se ugrađuju u gotove proizvode radi izvoza, i namjerava li u saradnji sa vladama entiteta, poduzeti kako da se negativni efekti ovih mjera otklone u cilju oporavka proizvodnje i izvoza na cijelom području Bosne i Hercegovine?"

Na postavljena pitanja odgovore su dali ministri Mirsad Kurtović i Spasoje Albijanić.

Magnetofonski snimak sjednice Doma naroda čini sastavni dio ovog zapisnika.

Sjednica je zaključila rad u 12,35 sati.

**PREDSJEDAVAJUĆI
DOM NARODA
PARLAMENTARNE SKUPŠTINE BiH
Avdo Čampara**